



HISTOR ADMIRABL

DEMEUS AR BOUDEDÉO

Pehini, abaoe maro hor Zalver, ne ra nemet
bale nos ha deiz ac'hann da fin ar bed,
abalamour d'an affrontiri an devoa bet en
andret hor Zalver Jesus-Christ, pehini, pa
voa o vont d'ar maro, a falvezas dezan dis-
quisa var e stal, hac e teuas d'en rebuti evel
eur scelerat.

Var ton : Guerz Santez Anna.

Asistantet enorabl, tostaït da glèvet
Ar vuez pitoyapla a voe biscoas er bed;
An histor zo truezus demeus ar Boudedeo,
A zo nòs - deiz o vale aboe hor Zalver maro.

Eus a dribu Nephtali, a guëri Jerusalem,
Voa ganet Absarius, carget a anathem ;
Dont a ras var ar bed-mà en amzer Herodes,
A felveas massacri Jesus, Mab ar Verc'hez.

Va zad a voa eur c'halye, va mam qemenerez,
Hac a laboure en Templ da ober broderes;
Ha va c'herent am desgas da lenn leor al Lezen,
Hac hini ar Brofetet ivéz a dra certen.

Goude e voen demeet gant va c'herent anfin
 Da eur vreg sur ha prudant a dribu Benjamin,
 A biuim boe tri bugel en amzer ma teuas
 Autrou Sant Yan Badezour d'annonç ar Messias.

Sant Yan a gonveitissas calz euz a bayanet
 Pere voa idolařret, caledet er pec'het :
 Dec mil den en un devez en deveus badeet
 Me, va gred. va bugale e voamp bet o velet.

Va greg a lavaras din : Va fried emezi,
 Leqomp en em vadezi , enont è ar Messi;
 Ha me o respont dezi, gaut eun ear direspet:
 Na ni nac hor bugale ne vimp qet badeet.

Aden eun nebeut goude S.Yan voe dibennet
 Dre urz'roue Herodes, eun den cruel meurbet,
 Ha ma teuas hor Zalver evit rën en e blaç ;
 Hac a ras dre ar c'hanton calz a viraclou bras

Clévet e meus bet Jesus alies o sermon,
 Hep ne meuz bet profitet euz e bredisication ;
 Va-unan e voan presant p'en d'oa rassaziet
 Dec mil den gant pemp bara ha goude ze pesqet

Me Boudedeo maleürus a velas c'hoa souden
 Jesus o ressuscita Lazar, breur Madalen,
 Ha güel t dibosseidi calz a dud possedet,
 Ha sivoas din pec'her bras ne meus tam profitet

Aben eun nebeut goude voe Jesus qemeret
 Gant calz eus a judevien er jardin Olivet,
 Ha condaonet gant Pilat da rancout da zougen
 Ar groas pouner ha meus evit ar bec'herien.

Pa voe ar groas achuet, d'hor Zalver voe samet,
Da vont da venez Calvar da vea crucifiet :
O velet an dud o redec, me gemer va bugel
Hé me mont da dal an nôr pa yè en da vervel.

Cetu Jesus o tremen neuze abiou va zi,
Pehini en tal va stal a deu da reposi,
Ha me lavarat dean gant eur gomz arrogant :
Qé alesse eus va stal, te zoe un den mechant.

Ganes on dizenoret gant da iffronteri,
Pa qüelan o reposi aman e tal va zi:
Qé alesse, den ingrat, eos sorcer milliget,
Qé alesse d'ar maro, pa c'heus e meritet

Jesus a respondas din gant eur voez truezus :
Mont a ran da bartia, den fall, den maleürus,
Me reposo gant va Zad, te valeo bepret
Dre bèvar c'horn a bed-mâ ac'han da fin ar bed.

Ia, te a valeo ac'han d'ar jujamant,
Hac er c'hoste deo d'am Zad a velo suramant
O varni ar bec'herien pere vo condaonet
Da vont d'ar flamou gries, ar re just d'ar joaüstet.

Pa glêvis comzou Jesus, va c'halon voe touchet
Ha me rîi va bugale en instant d'am pried,
Ma velis ar Veronic o sec'hi bisach Jesus,
Ha chom en he mouchouer e boltret truezus,

Hep ellout' n'em arrëti e heuillis hor Zalver,
Hac e velis va Jesus ha calz gragez santel :
Ar bourrevien d'ar Verc'hez o deveus lavaret
Cetu amâ an tachou ma vo ho Mab staget.

P'am boe güelet hor Zalver o vervel var ar groas
E creis etre an daou laer carget a boaniou bras,
Ha me commanç va beach gant calz eus a anqen,
O tont da laret adieu da gær Jerusalem.

Sônjit eta, Bretonet pegement a c'hlac'h ar
En deus ar Boudedeo bremà var an douar!
Rancout quittat e gartier, e vreg, e yugale,
Hep qimiadi diouto, evit atao hale.

Pa en devoa haleet eun nombr a vlaveziou,
Ec'h èruas en Egypt, pel bras demeus e vrò,
En e mà o ar Mor-Rus, elec'h m'oe tremenet,
Moyses gant pobl Doue, hep cavout drouc ebet

Mont a ris eus ac'hane da enezen Candi,
Elec'h emedi en noas an dud a zo enni:
Eno e velis eun tad o trech'i a damou
E verc'h evit sacrific da reï d'o doenou.

Mont a ris da Malhodo, e pelec'h eus tud drol,
Pere a ader Doue hac an diaoulou oll ;
Pedi a reont Doue da gaout prosperite,
Hac an diaoul a bedont ne raï qet drouc dèze.

Güelet e meus er Japon ur vam meurbet cruel
Pini' deuas da laza, sivoas, he daou bugel.
Er vrô-ze è permettet laza ar bugale
Pa n'o deus qet a vara da réi déze.

Goude' gemeris an hent da vont d'an Enezi,
D'an Americ, d'an Azi, ha neuze d'an Turqi.
Ar gragez eus var vro-ze a vele d'an arme,
Haç an ezac'h o deus soign demeus ar vugale.

Eno emedi ar c'his da laza ar botret,
Nemem unan dre famill na ve james miret.
Bez'o deus eur rouanez a ro commandamant
Da laza an oll botret, hep caout dè nep damant.

Er gær eus a Garniol eus ur c'his drol meurbet
Rac eno an dud yaouanc, pa vezont eureujet,
E rânceo ar vreg yaouanc, nôs qenta he heured,
Mont da gousket gant ar prinç, vit bea enoret,

Bet on ebars eur c'hood hanvet Cisaria,
Elec'h ma eller bale cant lèo d'an nebeuta -
Hep cavet dour da eva, da feunteun na rivier,
Ar pez zo goal incomod oll dud ar c'hartier.

Monet a ris c'hoas pelloc'h, d'ar gær a Vosopa
Pini zo eus he divoal eur prinç eus an drola :
Ur vanden chaç a merc'het en deus evit gardou,
Ha n'en deus qen soudardet evit difen e vrò.

Ac'hane'yis da eur gær zo hanvet Estopet,
Elec'h ma zeus serpentet ha loened vil meurbet
Zo quer teo ha corf un den sur ma vent muzuret
O deveus d'an nebeuta daou-ugent troatad het,

Er spaç demeus a gant vloas ez ou bet o vale,
Ha me èruout adare em brô hac em c'hontre :
Allas ! maro voa va greg coulz ha va bugale,
Ha den ebet eus va brô certen n'am anavee.

Neuze e teuis da Rom, ebars en Itali,
En amzer-ze e voa calz eus a c'hlac'har enni :
Güele'tris merzeria nombr bras a gristenien,
En defot ue renonceent d'a feiz ha do lezen.

Me a vale var ar mor coulz ha var an douar
Ha me partial neuze evit ar Franc, bro rar?
E Marseill, Bourdel, Paris, Niort, Naonet, Lyon
Ac'hane da Vreiz-Izel, d'ar gær vrao a Roazon

Guelet e meuz Montroulez ne voa nemet eur c'hood,
Ha güelet Brest ha Qemper ebars en douar prat
Ha güelet ar gær a Is en e frosperite,
Hac ar gær a Lexovi a meus güelet ive.

Güelet emeus Breiz-Izel en coad ha meneziou,
Ma zoat evel sovajet neuze ebars er vrô;
Me a vel calz a gériou er vrô-se batisset,
A ra calz a chenchamant abaoue ma zon bet.

Me vel ar gær a Roazon eur gær gaer batisset
Dol, Güenet ha Sant Malo, Dinan hac an Naonet,
Sant-Brieuc ha Landreguer, Lanion, Montroulez
Castel-Pol ha Lesneven ha Landerne iveau.

Ar c'hériou-ze meus güelet e coad bac en prajou
Pa deuis d'ober va beach qenta ebars er vrô ;
Cetu batisset Qemper, ha Brest he Recouvranc,
Qemperle, Moelan, Kerahes ebars en assuranç.

Anfin, pa on condaonet gant Doue dî vale,
Me zo bet en em gavet e creis meur a arine;
Canoliou a fusuliou, clezeyou, sabrennou,
Netra ne dè bet capabl da rî din ar maro,

Bet on ebars en listri a zo bet perisset,
Hac an dud a voa enne a meus güelet beuzet,
Ha me hanvet Boudedeo n'em bije drouc ebet
Comzoum Doue a râncô bea accomplisset.

Condacnet e zon gantà da chom var an douar;
Comprenit oll christenieu, emà zo din glac'har!
Va zourmanchou er bed-mà biqen na échuo
Qen a deui Doue da varn ar beo hac ar maro.

Ar som eus a bemp goennec so em godel bepret,
James gant nep seurt clenvet me ne dont attaget,
Bet or ebars en broyou elec'h m'oa ar vocen,
Hep na zeus staget ouzin na clenvet nac anqen

Va boutou na na va dillat james na uzont qet,
Dre bermission Doue a meus bet offancet;
Peder guech e meus redet pèvar corn ar bed-ma
Ha guelct e meus ive calz chenchamant ennà

Bremà e zon comanceet da redec ar bempet,
Hep ne don ambarasset gant dibri na coussqet;
Güelet a meus bet broyou zo bet oll revinet,
Ha calz demeus a gériou gant ar gurun dèvet.

Ne meus qet calz amzer evit chom da barlant,
Me a gred e ma va zreid vargore glaou ardant
Nan, ne zeus nemet Doue a elfe disclèria
Ar boaniou bras a souffran qerqent ma reposan.

Pebes maleur è din-me bea bet rebutet
Demeus a gichen va stal Jesus Salver ar bed
Pa voa o vont d'ar maro, da zont da zisquiza
Ha me neuze dre valeur a zeus d'e zispriza.

Emà è ar maleur bras a meus var ar bed-ma!
E mon atao o vale ouspen trivac'h cant vla,
Ha c'hoas e ranqan bale ac'han da fin ar bed
Pedit Doue evidon, ma zin d'ar joaüstet,

FIN.

